

Immikkut ittumik ataatsimiinnermi oqaluuserisassat:

Imm. 01 Oqaluuserisassat akuersissutigineri

Imm. 02 Siulittaasup nalunaarutai.

Aningaasaqarnermut tunngasut

Imm. 03 Balance-t

Suliassat nalinginnaasut

Imm. 04 Aqqusinermi assiaqut (Autoværn)

Imm. 05 Sermersuup tungaanut bommi

Imm. 06 Angallateeqqanik qaqitsisarneq

Imm. 07 Nipilersortussanik Extreme E-qarnerani Kangerlussuarmi

Imm. 08 Sunngiffimmi susassaqtitsineq

Imm. 09 Pinaveersaatitsisoq Kangerlussuarmi

Paasissutissiissutit/Ilisimatitsissutit

Imm. 10 Tamalaat



*Nunaqarfimmi aqutsisut 4. August 2021 nal.13:00 ileqqusumik ataatsiminneq
00/2021*

Ataatsiminneq aallartippoq nal. 13:15

Peqataasut:

Atassut

Inuit Ataqtigiit

Johan Lange

Hans Davidsen

Nalunaaruteqarlutik peqataanngitsut:

Anna-Karen Lange

Nalunaaruteqaratik peqataanngitsut:



Imm. 01 Oqaluuserisassat ak:uersissutigineqarneri

Aalajangiineq

Akuerineqarput.



Imm. 02 Siulittaasup nalunaarutai.

Siulittaasoq Johan Lange Sisimiuni Budgetseminarimut peqataasinnaanngilaq

Aalajangiineq
Tusaatitut tiguneqarpoq.



Imm. 03 Balance-t

J.nr.06.00.01

Maleruagassatigut tunngavissat.

Karseqarnikkut Qeqqata Kommunia.-ta maleruagassaa.

Innersuussut

Allaffeqarfiup innersuussutigaa ilaasortanit tusaatitugut tiguneqassasut.

Aalajangiineq

Tusaatitugut tiguneqarput.



Imm. 04 Aqqusinermi assiaqut (Autoværn)

J.nr.

Tunuliaqutaq:

Oqaluuserisassaq Nunaqarfimmi aqutsisuni siulittaasup Johan Langep oqaluuserisassanngortippaa. Tacan qulaani sinaattungaani biilinit sinaakkusernearnissaa (autoværn) kissaataavoq. Pingaartumik ukiakkut ulorianarsinnaasoq sermeqartillungu biilinit sangujartortoqartillugu.

Innersuussut

Allaffeqarfiup innersuussutigaa Nunaqarfimmi aqutsisut eqqartoriarlugu saqqummiussaq nalilersussagaat.

Aalajangiineq

Innersuussut akuerineqarpoq. Kissaataavoq assiaqutit (autoværn) pioreersut atorneqassasut, kiisalu ikkussorneqarneri Nunaqarfimmi aqutsisut aningaasaataanik akilerneqassasut.

Imm. 05 Sermersuup tungaanut bommi

J.nr.

Tunuliaqutaq:

Oqaluuserisassaq Nunaqarfimmi aqutsisuni siulittaasup Johan Langep oqaluuserisassanngortippaa. Aajuitsup killingani Bommi-p paarnaqqasarnera apeqquserneqarpoq, una pissutigalugu inuit atuisinnaasut paarnaarneqartarnerani killeqarmat. Parnaarneqartarnerata kinguneriinnarpaa nunamik aserorterisunngorsimammat, tassa aqquserngup ataatsigut nunaannakkut ingerlasoqartarmat parnaaqasoornermi.

Innersuussut

Allaffeqarfiup innersuussutigaa Nunaqarfimmi aqutsisut eqqartoriarlugu nalilersuutitsik allakkatigut ingerlateqqissagaat.

Aalajangiineq

Innersuussut akuerineqarpoq, kissaataavorlu Bom-i peerneqarnissaa. Teknikkeqarfimmut allakkiortoqassaaq.



Imm. 06 Angallateeqqanik qaqitsisarneq

J.nr.

Tunuliaqutaq:

Oqaluuserisassaq Nunaqarfimmi aqutsisuni siulittaasup tulliata Hans Davidsen-ip oqaluuserisassanngortippaa.

Talittarfimmi umiatsiaaraatilinnut "amutsivik" marrinnarsinnaammat umiatsiamik qaqitsiniarnemi "ujaqqanik" imaluunniit qisuit angisuut inissillugit umiatsiaatilinnut qaqitsiniarneq ajornannginnerulissammat kissataavoq. Taanna inissisimavoq talittarfiup kujataata tungaani.

Innersuussut

Allaffeqarfiup innersuussutigaa Nunaqarfimmi aqutsisuni ilaasortap Anna-Karen Hoffmannip ilanngussaa innersuussutaalu Kommunalbestyrelsemut paasiniaanissaq suliaq sumut killinnersoq suliaareermat.

Aalajangiineq

Innersuussut akuerineqarpoq.



Imm. 07 Nipilersortussanik Extreme E-qarnerani Kangerlussuarmi

J.nr.

Tunuliaqutaq:

Oqaluuserisassaq Nunaqarfimmi aqutsisuni ilaasortap Anna-Karen Hoffmannip oqaluuserisassanngortippaa.

Extreme E- mut atatillugu kulturikkut pikialaartitsinissami nipilersortatut Inuk kiisalu Aalut tikisinnissaannut qinnuteqaat. Nipilersortartut pineqartut inuk-mi inuit 4-maapput, ataatsimik ilagunik nipilersoqatigiit Inuk+Aalut-nngussapput. Neqeroorusiornikuupput tallimaallutik 25.000kr akeqassallutik. Kulturikkut pikialaartitsinissamut qinnutiginikuuakka, sulili paasisaqanngilanga akuerineqarnersut. Sisimiuniik pikialaartitsiniat paasilluariarlugit arlaatigut aningaasartuutitigut suleqatiserineqarsinnaanersut, angalanissaat inissaat akissarsiassaallu eqqarsaatigalugit. Nipilersortartut kulturitsinnut tunngasorujussuarnik oqaatsinillu pingaarutilinnik atueriaaseqarput, nuannarineqarluarlutillu. Arlaatigut nunaqarfimmi aqutsisut innuttaasunut tikeraanullu tunissutitut tikisissinnaannginnerpaat?

Innersuussut

Allaffeqarfiup innersuussutigaa Nunaqarfimmi aqutsisut eqqartoriarlugu naliliiffigissagaat tikisinnissaanut billitsissai kiisalu ineqarnissaat aamma akilissaneraat, kiisalu sumi ineqartissinnaanersut Kangerlussuarmi inissat inniminnikaareernikummata.

Aalajangiineq

Innersuussut akuerineqarpoq. Unnuiffissat periarfissallu ugartorneqassapput.



Imm. 08 Sunngiffimmi susassaqtitsineq

J.nr.

Tunuliaqutaq:

Oqaluuserisassaq Nunaqarfimmi aqutsisuni ilaasortap Anna-Karen Hoffmannip oqaluuserisassanngortippaa.

Ukiamut fritidslederit sunngiffimmi susassaqtitsisarneq eqqumaffigineqarnissaanik kaammattuinerlu. Ukiuni kingullerni atuarfimmiik fritidsledereqartitsisarneq eqqummaarinnerusumik akisussaaffeqartitsinissap qulakkeerqarnissaanut nalunaarusiornissami aqqutissanik ujartuineq

Innersuussut

Allaffeqarfiup innersuussutigaa Nunaqarfimmi aqutsisut eqqartoriarlugu qanoq periuseqarnissaq kinalu / kikkullu saaffigisassaanersut eqqartussagaat.

Aalajangiineq

Innersuussut akuerineqarpoq.



Imm. 09 Pinaveersaartitsisoq Kangerlussuarmi

J.nr.

Tunuliaqutaq:

Oqaluuserisassaq Nunaqarfimmi aqutsisuni ilaasortap Anna-Karen Hoffmannip
oqaluuserisassanngortippaa.

Pinaveersaartitsisumik peqalernissamik Kommuunimut qimnuteqaasiorneq atorfinitsitsinissamut
ujartuineq.

Innersuussut

Allaffeqarfiup innersuussutigaa Nunaqarfimmi aqutsisut eqqartoriarlugu suliaq ingerlareersoq
allakkatigut paasiniaaffigineqassasoq.

Aalajangiineq

Innersuussut akuerineqarpoq.



*Nunaqarfimmi aqutsisut 4. August 2021 nal.13:00 ileqqusumik ataatsimīnneq
00/2021*

Paasissutissiissutit/Ilisimatitsissutit

- Allaffiup pisortaata nalunaarutaa qaammat juli 2021.
- Nunaqarfimmi aqutsisut ataatsimiinneranni imaqarniliaq ulloq 07/07/2021.



Imm. 10 Tamalaat

- Teknikkeqarfimmiit Kangerlussuarmi assigiinngitsunik apeqquteqaasiortoqarpoq, assersuutigalugu illuaqqat akuerisassut akuerisaanngitsut pillugit, kiisalu nunaqarfiup iluani iluarsaatitsineq qanoq ingerlanersoq.

Ataatsimíinneq naammassivoq nal. 15:26

